

ՀԱՅ ՏԱՐԱՐՈՒԹՅՈՒՆ



ՀՀ Սյունիքի մարզի Հարթաշենի գյուղապետարանի աշխատակազմի
համայնքային ծառայությունը թափուր պաշտոնը զբաղեցնելու համար
մրցույթ անցկացնելու մասին

Հայաստանի Հանրապետության Սյունիքի մարզի Հարթաշենի գյուղական
համայնքի /այսուհետ՝ համայնք/ ղեկավարը հայտարարում է մրցույթ
Հայաստանի Հանրապետության Սյունիքի մարզի Հարթաշենի
գյուղապետարանի աշխատակազմի /այսուհետ՝ Աշխատակազմ/ համայնքային
ծառայություն հետևյալ թափուր պաշտոնն զբաղեցնելու համար.

Հայաստանի Հանրապետության Սյունիքի մարզի Հարթաշենի
գյուղապետարանի աշխատակազմի քարտուղար (ծածկագիր 1.2-1)

Կազմակերպում, ծրագրում, համակարգում, ղեկավարում և վերահսկում է
Աշխատակազմի ընթացիկ գործունեությունը, ապահովում է Աշխատակազմի
գործառնությունը, նամակագրության և արխիվային գործի վարումը.
Համայնքի ավագանու նիստերի նախապատրաստումը, արձանագրումը և նիստին
ներկա ավագանու անդամների կողմից արձանագրության վավերացումը,
համայնքային ծառայություն մասին օրենսդրությամբ և այլ իրավական
ակտերով անձնակազմի կառավարման հետ կապված գործառնությունների
իրականացումը: Օրենսդրությամբ սահմանված կարգով վարում է Համայնքի
զինապարտների գրանցամատյանը, Սահմանված դեպքերում և կարգով
մասնակցում է գորակնչի, գորահավաքի ու վարժական հավաքների
կազմակերպման աշխատանքներին, իրականացնում է պաշտոնի անձնագրով
սահմանված այլ լիազորություններ:

Նշված թափուր պաշտոնն զբաղեցնելու համար պահանջվում է.

Բարձրագույն կրթություն, համայնքային ծառայություն առնվազն
առաջատար պաշտոններին 2-րդ ենթախմբի պաշտոններում կամ դրանց
համապատասխանող պետական ծառայություն պաշտոններում առնվազն երկու
տարվա ստաժ կամ առնվազն հինգ տարվա համայնքային ծառայության ստաժ և
համայնքային ծառայություն 2-րդ դասի առաջատար ծառայողի դասային
աստիճան կամ առնվազն հինգ տարվա հանրային ծառայության ստաժ և
համայնքային ծառայություն 2-րդ դասի առաջատար ծառայողի դասային
աստիճանին համապատասխանող պետական ծառայության դասային աստիճան
/կոչում/ կամ վերջին չորս տարվա ընթացքում քաղաքական կամ հայեցողական
կամ քաղաքացիական պաշտոններում առնվազն երկու տարվա աշխատանքային
ստաժ կամ վերջին ութ տարվա ընթացքում համայնքի ավագանու անդամի
աշխատանքային գործունեության առնվազն երեք տարվա փորձ կամ գիտական
աստիճան և առնվազն երեք տարվա մասնագիտական աշխատանքային ստաժ կամ
առնվազն հինգ տարվա մասնագիտական աշխատանքային ստաժ, կամ մինչև 2015
թվականի հունվարի 1-ը համայնքային ծառայության պետական և /կամ/
համայնքային կառավարման ոլորտի առնվազն երեք տարվա աշխատանքային
ստաժ, Հայաստանի Հանրապետության Սահմանադրության, «Համայնքային
ծառայություն մասին», «Տեղական ինքնակառավարման մասին», «Իրավական
ակտերի մասին», «Զինապարտության մասին» Հայաստանի Հանրապետության
օրենքների, Հայաստանի Հանրապետության կառավարության 1997 թվականի
հունիսի 17-ի «Նախագորակնչային, գորակնչային տարիքի անձանց և
պահեստազորայինների զինվորական հաշվառման կարգը հաստատելու մասին»

N282 որոշման, Աշխատակազմի կանոնադրության և իր լիազորություններին հետևելու անհրաժեշտ իմացություն, ինչպես նաև տրամաբանելու, տարբեր իրավիճակներում կողմնորոշվելու ունակություն. անհրաժեշտ տեղեկատվություն տիրապետում, համակարգչով և ժամանակակից այլ տեխնիկական միջոցներով աշխատելու ունակություն:

Մրցույթը կանցկացվի **2014** թվականի ապրիլի **11-ին** ժամը **11.00-ին** Հարթաշենի գյուղապետարանի շենքում (գյուղ Հարթաշեն): Մրցույթին մասնակցելու իրավունք ունեն չենք աղաքացիները և Հայաստանի Հանրապետությունում փախստականի կարգավիճակ ունեցող անձինք /այսուհետ՝ քաղաքացիներ/:

Դիմող քաղաքացիները պետք է ներկայացնեն հետևյալ փաստաթղթերը՝


- դիմում մրցութային հանձնաժողովի անունով /ձևը լրացվում է փաստաթղթերը ներկայացնելիս/,
- տվյալ պաշտոնն զբաղեցնելու համար մասնագիտական գիտելիքներին և աշխատանքային ունակություններին տիրապետման տեսանկյունից ներկայացվող պահանջներին բավարարումը հավաստող փաստաթղթերի դիպլոմի /ներքին/ , վկայականի /ներքին/ պատճենները՝ բնօրինակներին հետմիասին ,
- արական սեռի անձինք նաև գինվորական գրքույկի կամ դրան փոխարինող ժամանակավոր գորակոչային տեղամասին կցագրման վկայականի պատճենը՝ բնօրինակի հետմիասին , կամ համապատասխան տեղեկանք ,
- մեկ լուսանկար՝ **3X4** սմ չափսի ,
- անձնագրի պատճենը :

Քաղաքացիները մրցույթին մասնակցելու համար փաստաթղթերն իրենց ցանկությամբ Աշխատակազմ կամ ՀՀ Սյունիքի մարզպետարանի աշխատակազմի ՏԻ և ՀԳՄՀ վարչություն են հանձնում անձամբ՝ ներկայացնելով անձնագիր: Քաղաքացիները մրցույթին ներկայանում են անձնագրի, դիպլոմի, աշխատանքային գրքույկի, իսկ արական սեռի անձինք՝ նաև գինվորական գրքույկի կամ դրան փոխարինող ժամանակավոր գորակոչային տեղամասին կցագրման վկայականի բնօրինակներով:

Փաստաթղթերն ընդունվում են ամեն օր ժամը **9.00-ից** մինչև **18.00-ը**, բացի շաբաթ և կիրակի օրերից: Դիմումներին ընդունման վերջին ժամկետն է՝ **2014** թվականի մարտի **26-ը**, մինչև ժամը **18.00-ը**:

Մրցույթին մասնակցել ցանկացող քաղաքացիները փաստաթղթեր հանձնելու, լրացուցիչ տեղեկություններ ստանալու, ինչպես նաև պաշտոնի անձնագրին և հարցաշարերին ծանոթանալու համար կարող են դիմել Հարթաշենի գյուղապետարանի աշխատակազմ (հասցե՝ ՀՀ Սյունիքի մարզ, գյուղ Հարթաշեն, հեռ.՝ **094-649933** կամ ՀՀ Սյունիքի մարզպետարանի աշխատակազմի ՏԻ և ՀԳՄՀ վարչություն (հասցե՝ ՀՀ ք. Կապան, Գ. Շուքրեհի 1. Հեռ.՝ **0285-23550**

Հարթաշեն համայնքի ղեկավար՝

 Գ. Վանեյան

